

OFFERYNNAU STATUDOL CYMRU

**2001 Rhif 2504 (Cy.205) (C.82)**

**IECHYD Y CYHOEDD,  
CYMRUDEINTYDDION, CYMRU**

**Gorchymyn Deddf Safonau Gofal 2000 (Cychwyn  
Rhif 5 a Darpariaethau Trosiannol) (Cymru) 2001**

*Wedi'i wneud - - 3 Gorffennaf 2001*

Mae Cynulliad Cenedlaethol Cymru yn gwneud y Gorchymyn canlynol drwy arfer y pwerau a roddir gan adran 118(4), (6), (7) a 122 o Ddeddf Safonau Gofal 2000(1):

**Enwi a dehongli**

1.—(1) Enw'r Gorchymyn hwn yw Gorchymyn Deddf Safonau Gofal 2000 (Cychwyn Rhif 5 a Darpariaethau Trosiannol) (Cymru) 2001.

(2) Yn y Gorchymyn hwn—

ystyr “Deddf 2000” (“*the 2000 Act*”) yw Deddf Safonau Gofal 2000;

ystyr “Deddf 1984” (“*the 1984 Act*”) yw Deddf Cartrefi Cofrestredig 1984(2);

ystyr “y Cynulliad Cenedlaethol” (“*the National Assembly*”) yw Cynulliad Cenedlaethol Cymru.

**Y diwrnodau penodedig**

2.—(1) At ddibenion galluogi ceisiadau am gofrestru i gael eu gwneud o dan adran 23(3) o Ddeddf 1984 (cofrestru cartrefi nyrsio) yn unig, 31 Gorffennaf 2001 yw'r diwrnod penodedig i adran 39 o Ddeddf 2000 (estyn ystyr cartref nyrsio dros dro) ddod i rym mewn perthynas â Chymru.

(2) 31 Awst 2001 yw'r diwrnod penodedig i weddill adran 39 o Ddeddf 2000 ddod i rym mewn perthynas â Chymru.

(1) 2000 p.14. Mae'r pŵer yn arferadwy gan y Gweinidog priodol. Diffinnir y Gweinidog priodol yn adran 121(1). Mewn perthynas â Chymru mae'n golygu Cynulliad Cenedlaethol Cymru; mewn perthynas â Lloegr, yr Alban a Gogledd Iwerddon mae'n golygu'r Ysgrifennydd Gwladol.

(2) 1984 p.23.

### Darpariaethau trosiannol

3.—(1) Os oes person (“y ceisydd”) wedi gwneud cais yn briodol cyn 31 Awst 2001 o dan adran 23(3) o Ddeddf 1984 mewn perthynas â safle yng Nghymru sy'n dod o fewn y disgrifiad yn adran 21(3B) o Ddeddf 1984 (ystyr cartref nyrsio) bydd paragraff (2) o'r erthygl hon yn gymwys.

(2) Ni fydd adran 23(1) o Ddeddf 1984 (tramgwydd rhedeg cartref nyrsio heb ei gofrestru) yn gymwys i'r ceisydd—

- (a) nes yr amser y caniateir y cais, neu
- (b) os caiff y cais ei wrthod—
  - (i) os na ddygir apêl, nes bod 28 diwrnod wedi dod i ben ar ôl i benderfyniad y Cynulliad Cenedlaethol gael ei gyflwyno(3)); neu
  - (ii) os dygir apêl, nes iddi gael ei phenderfynu neu ei gollwng.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(4)

3 Gorffennaf 2001

*Dafydd Elis Thomas*  
Llywydd Cynulliad Cenedlaethol Cymru

---

(3) Mae swyddogaethau cofrestru'r Cynulliad Cenedlaethol o dan Ran II o Ddeddf 1984 wedi'u dirprwyo i awdurdodau iechyd yng Nghymru. Rhoddwyd y swyddogaethau hynny i'r Ysgrifennydd Gwladol gan Ddeddf 1984 ond cawsant eu gwneud yn arferadwy gan y Cynulliad Cenedlaethol mewn perthynas â Chymru yn rhinwedd Gorchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672). Dirprwyodd Rheoliadau'r Gwasanaeth Iechyd Gwladol (Swyddogaethau Awdurdodau Iechyd a Threfniadau Gweinyddol) 1996 (O.S.1996/708)) swyddogaethau cofrestru'r Ysgrifennydd Gwladol o dan Ran II o Ddeddf 1984 i'r awdurdodau iechyd yng Nghymru. Mae O.S. 1996/708 yn effeithiol mewn perthynas â Chymru fel pe bai'r swyddogaethau hynny o dan Ddeddf 1984 a wnaed yn arferadwy gan y Cynulliad Cenedlaethol gan OS 1999/672 ac a oedd wedi'u dirprwyo o'r blaen i'r awdurdodau iechyd yng Nghymru gan O.S. 1996/70 wedi cael eu dirprwyo i'r awdurdodau iechyd yng Nghymru gan y Cynulliad Cenedlaethol: gweler adrannau 23(3) a 43 o Ddeddf Llywodraeth Cymru 1998 (p.38).

(4) 1998 p.38.

---

## EXPLANATORY NOTE

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn dod ag adran 39 o Ddeddf Safonau Gofal 2000 ('Deddf 2000') i rym mewn perthynas â Chymru. Mae adran 39 o Ddeddf 2000 yn diwygio adran 21 o Ddeddf Cartrefi Cofrestredig 1984 ('Deddf 1984') er mwyn estyn ystyr "nursing home" ('cartref nyrsio'). Effaith y diwygiad yw ei gwneud yn ofynnol i berson sy'n rhedeg safle a ddefnyddir neu y bwriedir ei ddefnyddio gan ymarferydd deintyddol er mwyn trin cleifion o dan anaesthesia gyffredinol gofrestru'r safle hwnnw yn gartref nyrsio o dan Ran II o Ddeddf 1984, oni bai bod yr esemptiad yn gymwys. Mae'r esemptiad yn gymwys os yw'r safle yn cael ei ddefnyddio gan ymarferydd deintyddol er mwyn trin cleifion o dan anaesthesia gyffredinol ar ran y Gwasanaeth Iechyd Gwladol.

Mae adran 39 yn dod i rym ar 31 Gorffennaf 2001, i alluogi ceisiadau am gofrestru i gael eu gwneud mewn perthynas â safleoedd sy'n dod yn gofrestradwy o'r newydd yn unig. Ar 31 Awst 2001 y daw gweddill adran 39 i rym.

Mae'r Gorchymyn hefyd yn gwneud darpariaethau trosiannol. Gall safleoedd sy'n gofrestradwy o'r newydd barhau i weithredu heb gofrestru ar ôl 31 Awst 2001, tra bydd y broses gofrestru yn mynd yn ei blaen, cyhyd â'u bod wedi gwneud cais am gofrestru cyn y dyddiad hwnnw.

## NOTE AS TO EARLIER COMMENCEMENT ORDERS

*(Nid yw'r nodyn hwn yn rhan o'r Gorchymyn)*

Mae darpariaethau Deddf Safonau Gofal 2000 ('y Ddeddf') y gwneir cofnod ar eu cyfer yn y Tabl isod wedi'u dwyn i rym mewn perthynas â Chymru ar y dyddiad a bennir ochr yn ochr â'u cofnod. Cafodd y darpariaethau hynny y dilynir eu cofnod ag '(a)' eu dwyn i rym gan [O.S. 2000/2992 \(Cy.192\) \(C.93\)](#); cafodd y rhai a ddilynir â '(b)' eu dwyn i rym gan [O.S. 2001/139 \(Cy.5\) \(C.7\)](#); cafodd y rhai a ddilynir ag '(c)' eu dwyn i rym gan [O.S. 2001/2190 \(Cy.152\) \(C.70\)](#); a chafodd y rhai a ddilynir ag '(ch)' eu dwyn i rym gan [O.S. 2001/2354 \(Cy.192\) \(C.80\)](#).

---

Y ddarpariaeth	Y dyddiad cychwyn
Adrannau 1–5 (c)	1 Gorffennaf 2001
Adran 7(7) (c)	1 Gorffennaf 2001
Adran 8 (yn rhannol) (c)	1 Gorffennaf 2001
Adran 9(3)–(5) (c)	1 Gorffennaf 2001
Adrannau 11–12 (yn rhannol) (c)	1 Gorffennaf 2001
Adrannau 14–15 (yn rhannol) (c)	1 Gorffennaf 2001
Adran 16 (c)	1 Gorffennaf 2001
Adrannau 22–23 (c)	1 Gorffennaf 2001
Adran 25 (c)	1 Gorffennaf 2001
Adrannau 33–35 (c)	1 Gorffennaf 2001
Adran 36 (yn rhannol) (c)	1 Gorffennaf 2001

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Y ddarpariaeth	Y dyddiad cychwyn
Adran 38(c)	1 Gorffennaf 2001
Adran 40 (yn rhannol) (b)	1 Chwefror 2001
Adran 40 (y gweddill) (b)	28 Chwefror 2001
Adran 41 (b)	28 Chwefror 2001
Adrannau 42–43 (c)	1 Gorffennaf 2001
Adrannau 48–52 (c)	1 Gorffennaf 2001
Adran 54(1), (3)–(7) (a)	1 Ebrill 2001
Adran 55 ac Atodlen 1 (a)	1 Ebrill 2001
Adran 72 ac Atodlen 2 (a)	13 Tachwedd 2000
Adran 79(1) (yn rhannol) (c)	1 Gorffennaf 2001
Adran 79(2) ac Atodlen 3 (yn rhannol) (c)	1 Gorffennaf 2001
Adran 79(3),(4) (c)	1 Gorffennaf 2001
Adran 98 (ch)	1 Gorffennaf 2001
Adrannau 107–108 (c)	1 Gorffennaf 2001
Adran 112 (c)	1 Gorffennaf 2001
Adran 113 (2)–(4) (a)	1 Ebrill 2001
Adran 114 (yn rhannol) (a)	1 Ebrill 2001
Adran 114 (y gweddill) (c)	1 Gorffennaf 2001
Adran 115 (c)	1 Gorffennaf 2001
Adran 116 ac Atodlen 4 (yn rhannol) (b)	28 Chwefror 2001
Adran 116 ac Atodlen 4 (yn rhannol) (c)	1 Gorffennaf 2001
Adran 117(1) ac Atodlen 5 (yn rhannol) (c)	1 Gorffennaf 2001

Mae darpariaethau'r Ddeddf y gwneir cofnod ar eu cyfer yn y Tabl isod wedi'u dwyn i rym gan [O.S. 2000/2544 \(C.72\)](#) mewn perthynas â Chymru, yn ogystal ag mewn perthynas â Lloegr, ar y dyddiad a bennir ochr yn ochr â'u cofnod.

Y ddarpariaeth	Y dyddiad cychwyn
Adran 80(8)	2 Hydref 2000
Adran 94	2 Hydref 2000
Adran 96 (yn rhannol)	15 Medi 2000
Adran 96 (y gweddill)	2 Hydref 2000
Adran 99	15 Medi 2000
Adran 100	2 Hydref 2000
Adran 101	2 Hydref 2000
Adran 103	2 Hydref 2000

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Y ddarpariaeth	Y dyddiad cychwyn
Adran 116 ac Atodlen 4 (yn rhannol)	2 Hydref 2000
Adran 117(2) ac Atodlen 6 (yn rhannol)	2 Hydref 2000

Yn ychwanegol, mae amryw o ddarpariaethau eraill y Ddeddf wedi'u dwyn i rym mewn perthynas â Lloegr gan yr Offerynnau Statudol canlynol: [O.S. 2000/2795 \(C.79\)](#); [O.S. 2001/290 \(C.17\)](#); [O.S. 2001/731 \(C.26\)](#); [O.S. 2001/952 \(C.35\)](#); [O.S. 2001/1210 \(C.41\)](#); [O.S. 2001/1536 \(C.55\)](#); [O.S. 2001/2041 \(C.68\)](#).